


Euskadi Ta Askatasunaren Agiria Euskal Herriari



ETak presoek eskubideen alde «esfortsuak biderkatu eta sakabanaketaren aurkako protestabideak sendotu eta bururaino eramateko» deia egin du.

EFE

☛ (Aurreko orrialdetik dator)

Urte luzea joana da ETak 1997ko Azaroan kartzela-frontean ekintzen etenaldia iragarri zuenetik. Garai hartan gizarte ekimen ustez indartsua abiatu zen Ibaetan buruturiko hausnarketaldi eta gose-gre-baren ondotik.

Baina Ibaetako ekimen hori, jadanik urte luzez eta gizarte sail desberdinetatik abiarazitako bestelako ekimen, manifestaldi, gose-greba, itxialdi eta borro-kei erantsi zitzairen. Guzti horiek euskal preso politi-koek beren gizaeskubide eta eskubide politikoen alde betidanik, eta bereziki azken hoge urteotan, dara-maten borroka etengabe eta erresistentzia tinko eta duinari gehitu zitzaizkien. Legezkoa eta gizalegezkoa izatea aski izanik ere euskal gizarte gehienaren babe-sa du «Euskal Presoak Euskal Herrira!» oihuak. Gizarte ekimen guzti horiei indar berria ematearren iragarri zuen ETak etenaldia.

Euskadi Ta Askatasuna ekintza armatuen bidez eta funtzionarioei igorritako enplazamendu desberdi-nez saiatu da egoera hori konpontzen, edota bede-ren presoek jasaten duten zigorra baretzen. Alderdi politiko eta gizarte antolakunde batzuk ekintza horiek aitzakitatzat erabili izan dituzte preso politiko-en giza-eskubideen aldeko defentsa sendoari muzin egiteko. ETaren kartzela-fronteko ekintzen etenal-diaren ondotik ere, batzuk uzkur jarraitu zuten. Aitzakia horiek guztiek, beren azpian uzkuratasuna, duintasunik eza edota ausardia gabezia ezkututzen dutelakoan nabarmen agertzen ari da egoerak bere horretan jarraitzen duen heinean. Eta kasurik txar-renean kalkulu politiko, partidista eta pertsonala, tortura zuri horri luzatzeko epeak jartzearaino ailega-tu direlarik.

Berriz, Euskal Preso Politikoen eskubideen erres-petoea ETak Irailean iragarri zuen ekimenarekin lotzeak helburu bakarra du: presoekiko tortura Eus-kal Herrian abiatu den prozesua desbideratu eta oztopatze txantaiatzat erabiltzea. Argi geratu behar da Euskadi Ta Askatasunak eskeintza zabala eta urrats garrantzitsua egin duela gatazkaren ondo-rio batzuk arintzeko. Dagoeneko urte luzez dirauen eskeintza horri muzin egiteaz gain sufrimendua gatazkaren mami politikoa estali eta itxurakerietan ibiltzeko erabili nahi da.

ETak dei berezia luzatu nahi die presoek eskubi-

■ «Guztion helburua Euskal Herriaren ezagutza eta beraren eskubide zein askatasunean hartutako erabakien errespetoa direnez, norabide horretan egingo diren urratsek edo bide horri har dakizkiokeen oztopoek aginduko dutela zentzu baterako ala besterako erabakia»

■ «Euskal Preso Politikoen eskubideen errespetoea ETak irailean iragarri zuen ekimenarekin lotzeak helburu bakarra du: presoekiko tortura zuri Euskal Herrian abiatu den prozesua desbideratu eta oztopatze txantaiatzat erabiltzea»

deen defentsan nola haien Euskal Herriratze eta kale-ratze borroka ezberdin eta baliagarrietan diharduten gizabanako nola gizamultzoek, esfortzuak biderkatu eta sakabanaketak suposatzen duen tortura zuri eta beltzari amaiera emateko indarrak eta protestabideak sendotu eta bururaino eramán ditzaizten.

Lizarrar-Garazi hitzarmenetik egiazko subirautzarainoko bidea urratzeko prozesua da egiazki abian dagoena

Espainiar gobernuak negoziazio argazki faltsu hori etengabe gizarteratzen dihardu, ez duelako boronda-terik gatazkaren erroari zentzunez eta ausardiaz hel-tzeko. Bide errepresiboa areagotu, denbora irabazi eta euskal gizarte nahasteari ekin diote. Baina oso oker dabilta gisa horretan Euskal Herrian abiatu den pro-zesua errotik moztuko dutela uste badute. Ez dute lortuko bereak emana duen autonomismo zatikatzai-lean bizi eta gizendu diren alderdi politikoak egiazki eta egiazkorki subirautza bideari zintzo eta zorrotz eusten badiote bederen. Alderdi interes eta kalkuloei Aberri mailakoak nagusitzen bazaizkie.

Gure herrian bizi diren une erabakior hauek ez dira erdian jarri eta norberaren erantzukizunak inori, Madrilekoei edo etxekoei, egotzeko uneak. Ez eta nor-beraren ardura, konpromezu eta erantzukizunei muzin egin, edota subirautza prozesuan ez atzera ez aurrera, erosotasunean erdi-erdian eta berarekin ezer ikustekorik ez duelakoan epel gelditzeko tentaldiak edukitzeko. Une hauek egiazki oparoak izango badira, Euskal Herria buru eta bihotzean daramagun guztion

ahalegin zintzoan eta izerdituan lorturiko-ak izan beharko dira.

Euskadi Ta Askatasunak ahalegin guztiak eta bost egingo ditu jorratu beharreko bid-horretan, abertzale eta aurrerakoi guzie-kin elkarlanean eta zintzotasunean jardur-teko. Baina bide hori jorratzeko egiten eta egingo dituen ahaleginaren indar eta erabakiortasun berberarekin salatuko ditu alderdikieriatan eta sasibidetan ibiliz beren erantzukizunei bizkar emango lieketenak. Euskal Herriaren askatasun egarria Gas-teizko instituzioetan ito nahiean «Itun» ez-berdinek garatu duten 18 urtetako saioak porrot egin ostean, arduragabekeria gar-lanta litzatekeelako sasi-irtenbideak bila-tu nahi izatea. Gune instituzional ezberdi-nek laguntzekorik baduten arren, Lizarran abiatu den prozesuak ezin du gelditu gehiagorik jasan «partizioa»ren zutabe izan diren marko autonomikootan.

Subirautza bidean aurrera egiteko, hurbi-leko egitasmo gisara Araba, Bizkaia, Gi-puzkoa, Lapurdi, Nafarroa eta Zuberoa be-re baitan hartuko dituen instituzio egitura bakar eta subiranoa sortzeko urrats era-ginkorrek gaurdanik ematearen beharra adierazi zuen Euskadi Ta Askatasunak. Subirautzaren bidean gidari eta bide era-kusle izan behar den egitura instituziona-laren kimutze lanetan, Euskal Herrian as-moz eta ekin ez nabarmen ari diren la-nak txalotzekoak dira. Txalotu baina batez ere bultzatu beharrekoak.

Norabide horretan dei berezia egin nahi dugu etorkizunak ez duten marku instituzional zatikatzailen zeregina argitu eta gainditze prozesu natural bati ekiteko. Euskaldunon etxea osotasunean pentsatu, sorubea sasiz garbitu eta zutoinak finkatzeko erronka dugu eskutartean. Euskal lurralde eta txoko guztietatik, pluraltasunaren aberastasunetik, batera abiatzen dugun prozesua baita egungoa.

Subirautzarainoko bidea Euskal prozesu demokratikoaren barna

Subirautza osora eramaten gaituen bidea, herri erakunde, alderdi eta gizabanakoen artean eztabaida zabal eta demokratikoaren eskutik garatu behar da. Bidea txantaita eta mehatxuz libratu, eta euskaldunon borondatea muga bakarra izango da. Aurremuga eta aurreiritzirik gabe, aukera eta aldarrikapen guz-tiak askatasunean mahaigaineratu eta eraginkor egiteko lanabes guztiak eskutartean ditugula.

Hartara, begibistako eta zentzunezko oinarria euskaldun guztiok bertan parte hartzea da. Euskal Preso Politikoei, parte hartuko duten gainontzeko gizaba-nakoei bezala, kalean, askatasunean eta inolako txantaiarik gabe parte hartu behar dute. Espainia eta Frantziaren atzaparretan erori eta gatibu dauzkaten euskaldunen partehartzeak, euskal herritar guztion artean abiarazi behar dugun prozesu demokratikoan libre, prozesuaren egiazkotasuna adieraziko baitu. Zentzunak eta justiziak hori eskatzen du eta.

Euskal Herrian prozesu demokratikoa izango bada, Euskal Herriaren hitza dozenaka urtez armaz ukatu eta gaur ere ukatzen dutenek eta milaka euskal herri-tar erail, zauritu, torturatu eta atxilotu dituztenek ez dute lekurik izan behar. Euskal Herria suntsitu nahiean, Gernika bonbardatuz, Nafarroako bide baz-terrak eta leize-zuloak gorpuz betez, Euskal Herriko seme-alabak atzerrira bidaliz eta gure karriketan izu etengabea sortuz milaka «biktima» eragin dituztenek alde egin behar dute Euskal Herriatik. Inoren buruan ez baita sartzen Euskal Herrian prozesu demokrati-korik burutzea arnasa ere ukatu diguten indar arma-tu okupatzaileek bertan jarraituz gero.

Amaitzeko, ETak jakinarazten du Euskal Herrian abiatu den prozesua eta subiranotasunerantz abiatzeko nahia kontutan hartuz iragarri zuen mugarik gabeko eraso armatuen etenaldi orokorrak indarrean jarraitzen duela. Aldi berean, guztion helburua Eus-kal Herriaren ezagutza eta beraren eskubide zein askatasunean hartutako erabakien errespetoa dire-nez, norabide horretan egingo diren urratsek edota bide horri jar dakizkiokeen oztopoek aginduko dutela zentzu baterako ala besterako erabakia».

Euskal Herria, 1998ko Abenduaren 20ean